

ergo in esse q̄ quantūcūq̄ potest creare tantaz cre-
et. ergo non poterit ulterius maiorem creare. Item
deus videt omnem albedinem ab eo factibilem aut
ergo videt aliquam factibilem infinitam et tūc pos-
set infinitam facere quod est falsum aut non videt i-
finitam factibilem et tunc sequitur q̄ non posset in-
finitum facere maiorem.

Tertio quantūcūq̄ albedo potest a deo fieri suc-
cessiue tanta potest fieri ab eo simul sed nulla albe-
do infinita potest simul fieri ergo nec successiue pro-
batur maior quia quod non possit simul fieri non est
ex parte dei cum totam suam potentiam simul ha-
beat nec ex parte perfectionis factibilis quia nō re-
pugnat simul habere gradus quos importat de na-
tura sua. Item sequeretur q̄ esset possibilis aliquis
motus rectus continuus in infinitum patet conse-
quentia quia et augmentum et intensio motus recti
sunt infinita sed consequens est falsum ut patet per
philosophum et commen. viij. phi. patet etiam ra-
tione quia omnis motus rectus est inter duos ter-
minos inter quos impossibile est in infinitum recte
moueri. Item natura inciperet moueri ad id ad q̄
non potest attingere et esset aliquis motus sine ter-
mino ad quem hoc autem est impossibile quia mot⁹
ex intrinseco suo requirit terminum ad quem et pa-
tet consequentia quia si posset esse talis intensio infi-
nita nullus terminus citra infinitum erit essentialis
terminus eius.

Quarto si albedo potest augeri in infinitum er-
go aliqua creatura ex natura sua absolute importa-
ret infinitam perfectionem quod tamen est propriū
deo. Item arguitur q̄ dilectio dei non est in infini-
tum augmentabilis quia primum ens non est tantū
diligibile a nobis q̄tum a se sed a se non est diligibi-
le plus q̄ in infinitum igitur. Item tunc potentia
anime esset infinite virtutis quia in infinitū potest
actum suum augere et iam virtualiter continet om-
nem suum actum ergo iam est virtualiter infinita.
Item arguunt theologi q̄ tunc posset esse charitas
maior charitate christi. Angeli etiam in primo in-
stanti elicerunt maximum actum quem possunt ha-
bere ut videtur ex prima parte. q. lxiij. ar. vi. Forte
tamen non est necessarium quia libere agunt.

Quinto arguitur contra secundam conclusionē
possibile est omnes animas creabiles esse creatas er-
go non omni multitudine data contingit dare ma-
iorem per deum. antecedens patet quia quelibet sin-
gularis illius vniuersalis est vera. ergo ipsa est ve-
ra: unde ista est vera possibile est istas animas crea-
biles esse creatas: et sic de singulis. Item in quoli-
bet tempore sunt infinite partes proportionales er-
go tot sunt partes proportionabiles quot sunt ani-
me creabiles: ergo in tota hora potest deus produ-
cere omnes animas creabiles quo facto deus non
posset amplius aliquam aliam producere quod si cō-
cedas sequitur q̄ dei potentia erit exhausta. Item
omnium natura constantium determinata est ratio
magnitudinis et augmenti ergo nulla qualitas nec
aliqua magnitudo in infinitum est augmentabilis.
Forte dicis verum est a creatura non tamen a deo.
Contra. S. T. per hoc. i. q. viij. ar. iij. probat q̄ non
potest esse aliquid infinitum actu secundū magni-
tudinem quod non esset verum si res in infinitū pos-
set augeri.

Sexto arguitur contra tertiam conclusionem a
Scoto et est argumentum. S. T. hic in cōmēto sicut
essentiale est quāto posse diuidi in partes ita est ei

essentiale per phi. q̄ singulum eorum in que diuisi-
bitur possit esse hoc aliquid. id est per se esse vel diui-
sibilitas est passio quantitatis ergo omne quantū
potest diuidi in partes per se existentes ergo nulli
eorum repugnat per se esse. Constat autem q̄ forma
naturalis est quanta igitur. Item omnes partes a-
que sunt eiusdem rationis cum toto sed toti non re-
pugnat per se esse ergo nec alicui parti quia est eius-
dem speciei.

Septimo circumscribatur omne corruptiūm et
diuidatur aqua minima tunc vel partes remanebūt
et sic dabitur minus minimo. Si dicas q̄ resoluē-
tur in continens. Contra pono q̄ corpus sit i vacuo
Si dicas q̄ partes anichilabuntur sequitur q̄ crea-
tura potest anichilare. Item sequeretur q̄ est dare
primam partem motus ad formam. Sed contra a-
gens naturale prius agit in propinquum q̄ in di-
stans ergo prius producit formam in medietatem
minimi q̄ in totum minimum quia qua ratione di-
cis q̄ in instanti in toto minimo pducitur calor ea-
dem ratione dicetur q̄ in eodem instanti i alia par-
te produceretur calor et sic de singulis et per conse-
quens totus motus erit compositus ex mutationis
bus vel mutatis esse quod est contra phi. vi. phi.

Octauo aliquid subiectum potest partibiliter.
id est successiue moueri ab vna forma ad aliam ergo
nullus gradus acquiritur in instanti sed q̄libz pars
acquiritur successiue. Item arguit paulus q̄ si da-
retur minimus ignis aut minima caro tūc daretur
vltimum instans esse illius quia incipiat talis ignis
minui per diuisionem vel per ablationem partium
tunc verum est dicere q̄ nunc est et non immediate
post hoc erit igitur secunda pars patet q̄ post hoc
si sit erit minor et sic daretur minus minimo. Item
vel minimum corrumpitur subito vel successiue. Si
primum ergo desinit esse in instanti totaliter. Sed
contra alterans prius alterat et indisponit vnā par-
tem q̄ aliam ergo forma prius expellit ab vna par-
te q̄ ab alia. Item si concedas q̄ minimum natura-
le habet vltimum instans sui esse sequeretur q̄ ani-
ma rationalis non crearetur in instanti quia dem⁹
minimum naturale in quo debet introduci forma hu-
mana et q̄ illud nunc habeat vltimum instans sui es-
se tunc anima rationalis non est in illa materia in
hoc instanti nec potest dari instans in quo primo erit
ergo in nullo instanti creabitur et suppono q̄ anima
non creatur nisi in materia.

Nono agens naturale potest in sua virtute auge-
ri et melius disponi ergo in quancūq̄ materiam
potest producere formam adhuc potest producere
in maiorem. Item non potest dari homo ita magn⁹
qui adhuc possit rarificari vel comedere ergo potest
semper augeri. Forte dicis sicut in minimo q̄ si ra-
refiat desinet esse. Et si minimum condensetur cor-
rumpitur alias daretur maius maximo et min⁹ mi-
nimo contra sequeretur ut prius q̄ homo haberet vl-
timum instans sui esse.

Decimo non datur minimus angulus rectus se-
cundum extensionem. Item in formis mathemati-
cis non datur maximum ergo non omnia sūt ad ma-
ximum et minimum determinata. Item in sacramē-
to altaris albedo corporis christi non est extensa er-
go ad suum esse non requirit determinatam exten-
sionem et similiter arguitur de anima. Item in ali-
quo instanti nature est forma ante quantitatem er-
go esse sine quantitate nō repugnat forme immo cō-
uenit sibi. Item tunc naturalia essent composita ex